


臺灣文獻匯刊

■ 陳支平 主編

第四輯

第十五冊

◎◎ 九州出版社
◎◎ 廈門大學出版社



臺灣文獻匯刊

第四輯 ◎ 第十五冊

閩政領要
臺灣詩薈（一）


◎◎九州出版社
◎廈門大學出版社

閩政領要

德福撰

《閩政領要》，三卷，德福編，鈔本。德福，鑲紅旗滿洲人，乾隆二十一年至二十八年（1756—1763 年）任福建布政使。是書敘福建（包括臺灣府）規制、防務、錢糧、民俗等情況。身為福建布政使，德福十分關注地方治理之樞機。閩臺瀕海，人民以海為生，故而民俗所記以海上生產、海外貿易為先；福建長期靠臺米接濟，臺運直接關係民生大計；臺灣時值開發高潮，土地、開墾、移民、偷渡等事，在此書中均有所反映。

閩政領要



閩政領要

閩政領要

竊閩南控制山海幅輿遼濶其間物產之殷饒民俗之淳漓
以及秩官營制貢賦錢糧外藩世職在在均閩緊要乾隆二
十二年前司德福留心體訪纂輯成書本司蒞任於茲三載
追溯纂輯之年已歷十載其間今昔異宜章程更定難資稽
攷乃就已成之書參以時政重加刪訂一切條目俱仍其舊
蓋不欲掠前人之美爾

目錄

卷上

形勢扼要

閩政領要



文職員缺

水陸營制

催科章程

錢糧起存

積貯倉穀

鼓鑄錢文

支放兵餉

兵精本折

卷中

採辦顏料

閩政領要

閩政領要

各營戰船

商漁船隻

台灣情形

備進方物

外藩進貢

歲產米穀

各屬物產

民風好尚

卷下

世職根源

閩政領要

形勢扼要

十閩枕山面海地險天然通省形勢斜迤狀如弦月東南環海西北皆山西聯江西粵東北接浙江北四至之大概也第內地海口夷險情形不一內地建甯府屬之浦城縣係通京驛路由浦城一站至楓嶺即閩浙交界為入閩門戶最為緊要設有楓嶺專營駐劄八都控制斯地由楓嶺而北即浙之仙霞嶺也漳州府屬之詔安縣係通廣東驛路距縣治四十里名為分水嶺即廣東潮州府饒平縣界設有詔安專營駐劄詔安縣控制陸路邵武府屬之光澤縣係通江西水路由光澤陸行八十里過五福杉關直達江西湖北本省採辦

閩政領要

閩政領要

民正合

銅鉛錫皆由此道達省其餘如福州府屬羅源縣可抵浙江之溫州福甯府屬之壽甯縣建甯府屬之政和縣松溪縣可抵浙江之處州建甯府屬之崇安縣邵武府屬之泰甯縣建甯縣汀州府屬之長汀甯化二縣皆可抵江西又汀州府屬之武平上杭二縣可抵廣東惟上杭縣屬之峰市與廣東大埔縣接壤為粵鹽入閩運道稍為緊要設有分徵縣丞駐劄稽查此內地與鄰省接壤之情形也至台灣在省城之東南隅孤懸海外中有澎湖一島設有副將通判駐劄其地凡過台船隻由大擔門開行風便直抵台郡進鹿耳門登岸該地實為全台鎮鑰若候風則必於澎湖島寄泊台郡之稱重洋

者此也其海口通內地最緊要者為廈門為五虎門廈門隸泉州府轄商賈雲集最稱殷庶凡商船出洋回棹必在廈門掛號收口即過台官兵亦必于斯地配船放洋故設有水師提督廈門同知駐劄彈壓併移駐興泉永道共相稽察防範所以重海防而通商賈也至五虎門隸福州府凡商船來省及由省載貨北赴江浙南向興泉廣東各處者皆由五虎門出入設有閩安協副將與閩安鎮巡檢駐劄彈壓其餘如興化之涵江泉州之安海金門漳州之石碼門銅山漳潮之南灣皆可收口均設有文武官弁稽查然非商賈輻輳之區不若廈門五虎門之為緊要也

閩文員要

閩政領要

閩政領要

文職員缺

通省文職各官由道府丞倅州縣首領佐雜教職共四百三十七缺內地道員五缺除延建邵道部選外其餘糧驛鹽法興泉永汀漳龍各道均係兼三要缺請

旨簡用內糧驛興泉永二道兼水利街司道首領共八缺俱部選內地府九缺福州泉州漳州三府俱四項兼全汀州府係衝繁疲三項相兼俱請

旨簡用其餘興化福甯延平建甯邵武等五府俱歸部選同知八缺惟福州府海防同知泉州府廈門同知均係衝繁難兼三要缺在外

閩政領要

題補餘缺俱歸 部選內福州府海防同知兼水利銜

通判六缺惟泉州府金門通判延平府王臺通判均係新移之
缺在外調補餘缺俱歸 部選內興化府糧捕通判福甯府
糧捕通判俱兼水利銜

直隸州二缺內永春州係繁疲難兼三要缺在外

題補龍岩州聽 部銓選

知縣五十八缺惟閩縣侯官福清晉江同安龍溪文缺係四項

兼全南安惠安漳浦順昌甯化五缺係三項相兼在外

題補除順昌甯化二縣外其餘九縣均屬海疆奉

前督部堂

閩政領要

奏准三年俸滿如無海洋盜案呈候准其保

題註冊候陞餘缺俱歸部選

各府首領佐雜共一百七十五缺惟福清縣平潭縣丞上杭縣
峰市縣丞同安縣灌口縣丞福鼎縣崇嶼巡檢四缺俱在外
調補餘缺俱歸部選內閩縣莆田甯德三縣丞俱兼水
利御又崇安縣丞分駐星村松溪縣遂應場巡檢改移建
陽縣南棧司巡檢崇安縣分水關巡檢改移本縣五夫司巡
檢俱係在外揀選調補

台灣一府設有巡道兼理台郡學政知府一缺同知二缺通判
一缺經歷一缺知縣四缺縣丞四缺教授併教諭訓導各五

缺巡檢七缺共三十四缺均係內地現任人員內揀選

題咨調補三年俸滿撤回內地留閩候陞未陞之前如遇本

對品缺出仍准坐補候陞至道府俸滿回省給咨送部引

見候

旨陞用同知通判知縣遇題陞時給咨送部引

見又泉州府西倉同知移改台灣府理番同知揀選調補

閩政領要

水陸營制

將軍標二營左營副將一員右營遊擊一員又駐防福州滿洲八旗官兵俱駐劄省城又旗營水師官兵分防洋嶼

督標四營中營副將一員左右二營叅將各一員俱駐劄省城又水師營叅將一員駐劄省城右營遊擊一員駐劄南臺

陸路提督一員駐劄泉州府親標五營同城中營叅將一員前後二營遊擊各一員並分防晉江德化二縣各城汛左營遊擊一員分駐永春州右營遊擊一員分駐晉江縣局之永甯汛

前營守備一員分駐惠安縣

福州城守協左軍副將一員都司一員右軍都司一員俱駐
劄省城分防閩縣侯官古田屏南閩清永福等陸縣各城
汛

興化城守協左營副將一員都司一員俱駐劄興化府右營
都司一員分駐仙遊縣

泉州城守營叅將一員駐劄泉州府

都司一員分駐南安縣屬之安海汛

長福營左軍叅將一員駐劄福清縣

右軍都司一員分駐長樂縣併分防鎮東等汛

閩政領要